



玉峰詩纂卷三

皇明

鄒韶

韶字九成吳興人

柳塘春

美人遠在春塘住門外垂楊千萬樹微風白日
裊遊絲渡水輕陰蕩飛絮使君來自白玉堂攀
條欲結雙明璫門前
繫紫駟馬堂上急管調
清商美人起舞為君壽再拜登歌酌君酒使君
明日上長安莫唱春風折楊柳

良琦

良琦天平興慶寺僧善詩

婁江夜泊明日歸省有懷吳山人

良夜維舟次題詩最憶君
微鐘風外度清笛月
中聞燈報庭闈喜杯從故舊
分西城駐馬日還
與入山雲

題玉山少堂

玉山少堂婁水西雜樹遠近春雲低
王維昔賦
宮槐陌杜老亦住浣花溪彈碁局在高梧落委
珮聲傳暮竹迷閣老文章全盛日釣竿磐石慰
幽栖

種玉亭

久愛幽栖似學仙山中種玉不知年
綠陰分綴
三危露瑞氣飛成五色烟璞裏辨文裁雜珮囊

中飡法自藍田安知此地非蓬島
月夜鷺笙夜
夜傳

春少池

桃溪綠水接深池芳少如雲護石磯
色映緗簾
春雨細波明畫舫夕陽微最憐才子新成句因
憶王孫久未歸况有高亭更蕭爽日長留客看
清暉

沈以潛以潛名玄以字行自汴徙吳精
鑿藥能詩宣德初擢御鑿

遊崑山懷友

崑峨千仞驀凌空滄海西來茂苑東
勢轉江流

三里外翠分嵐影半城中岩前有洞仙家近溪
口無花釣艇通聞說幽人茅屋底捲簾相對思
無窮

張節 節逸其出處

雪蓬圖蔡子堅家吳淞之上嘗作漁舟惟以
粉堊為飾名雪蓬云

百里吳淞浪疊沙布帆拖雪到漁家光浮四野
瓊樓曉影入孤村玉樹斜白鳥有聲迷荻浦青
山無路認梅花相逢不道空江上銀漢初迴使
者槎

朱夏 夏字日南邑人以家世業儒刻志

勵行喜作詩鄉邑以為儀表孫希周貴贈
禮部侍郎

玉山書舍

縈紆徑路玉山斜五柳垂門處士家半榻白雲
凝几席一溪流水隔烟霞琴床夜色寒明月研
治春香點落花誰謂置身霄漢上肯將舊隱望
中餘

夏原吉 原吉字維哲湘陰人以鄉薦授
戶部主事累遷本部尚書永樂初奉詔治
吳中水利開夏駕浦寓于野寺不憚勞勩
以身率民或乘小艇或張小蓋循行勞勩

經理得宜兵民數萬人咸樂趨赴不以為
厲歲饑 奏開廩賑賑吳中歌舞其德建
祠祀之迄今弗忘卒贈太師謚忠靖

登玉峰

片玉峰高翠欲流更窮絕頂望神州天開西北
風雲合地坼東南日月浮灌木水村烏亂下長
林樓觀鳳曾遊于今風物非疇昔萬井烟花碧
海頭

沈愚

愚字通理崑山人號崆峒博學工

詩歛跡不出業暨授徒以終其身有篋籟
及吳歛集

弔劉改之墓二首

文章人物邁時流袖拂天風萬里遊黃鶴樓前
江月白買花沽酒醉中秋
中原望斷獨興哀懷抱憂時鬱未開斗酒彘肩
風雨夕為誰辛苦渡江來

俊謂二詩頗得改之行實

吳中即景

白雲收盡晚山青水鳥飛來入翠屏一派歌聲
何處起采蓮人在錦帆溼

寄淮南友人

江南相望路迢迢風滿河関雁影飄最好鳳皇

臺上月共誰携酒聽吹簫

舊遊卽事

冶城東畔舊亭臺寂寂朱扉映竹開一樹碧桃
都落盡去年蝴蝶却飛來

送蘇雲壑還海昌

清明多病掩荆扉當路誰曾重布衣賈誼未膺
宣室召相如空向茂陵歸鷗邊芳草迷征棹雨
外孤村映落暉此日河梁一尊酒不堪重與故
人違

靈中寄友

長安積雪掩柴關况是經年客未還漫有清尊

酒旅恨可無知己慰愁顏寒聲不斷雲邊雁曠
色遙連郭外山幾度相思成獨賦嶺梅花發共
誰攀

長安道

西望長安道東風吹綠塵聞雞三市曉躍馬五
陵春柳色迷行客花香撲麗人金張居戚里遊
宴不辭頻

寒食對酒留別金陵知己

別離頻對酒去住惜分襟楚水歸帆遠吳門驛
路深曉鐘孤客夢寒月故鄉心為語同袍者愁
多莫苦吟

葉盛 盛字與中崑山人正統進士為兵
科給事中時 車駕北狩四五月間疏凡
七八上皆軍機要務擢都給事中遷山西
右參政協贊獨石馬營軍務累著成績召
拜右僉都御史遷吏部侍郎卒于位謚文
莊詳見俊撰東吳名賢記中

弔樂菴李公墓

玉笛吹殘夜聲聲太古情
媿人何處覓千古共
淒清

盧瑛 瑛字克脩崑山人宣德五年進士
性穎敏有雋才工古文篆籀竹師婦翁夏

太常筆法任刑部主事蚤卒

題自寫梅竹圖六言

翠竹娟娟可愛玉梅寥寥誰憐
記得靈深茅屋
瓦爐煨火窓前

張和 和字節之崑山人正統四年廷試

初擬殿元以目疾故居二甲第一乞歸尤
篤志墳典久之授南刑部主事歷員外郎
郎中擢浙江提學副使和明敏絕倫讀書
數行俱下操文立就與弟穆齊名性廉介
端謹權貴門不一濡足待浙士尤有恩義
以身先之儀範肅如也有篠菴集



原件短缺

樓上晚涼獨坐

瀟瀟疎雨來稍稍
簷花落微涼
入西樓
暗覺絺衣薄
獨坐悄忘言
輕飈動羅幙

題竹寄友人二首

瀟瀟鳳皇尾
濯濯珊瑚枝
三徑奚足多
一竿聊自怡
緬懷素心人
寄此歲寒姿
願言秉貞節
勿為水霜移

嫋嫋干青雲
森森立寒玉
涼生石上秋
暝拂烟中綠
未遇伶倫求
終看鳳鸞宿
有斐懷故人
臨風咏淇澳

弟敬之自濟南送吾至南城驛別後凄然不

扇上山水為周生振作

雲峰連延走平楚
烟水迢迢接芳渚
鉤竿輕颺一絲風
斜日晴分半江雨
書聲琅琅隔喬木
知有幽人住空谷
白屋誰甘伴草萊
青霄會見翔鳶鷲
我嘗獻策明光宮
通籍謬許隨夔龍
文園病渴偶在告
故里歸來悲轉蓬
周生妙齡金玉質
蚤有辭華動鄉國
東山握手同襟期
西塾談經幾晨夕
丈夫落落須奇逢
焉能局縮棲樊籠
請君治取任公餌
共掣大鯨滄海中

燈下觀海棠

露濕雲屏月轉廊
一簾花霧靄天香
画堂今夜

春如海醉剔銀燈看海棠

牡丹欲開病目不能觀

種得名花白間紅花時日日醉春風今年病裏
花仍發只隔緜簾似夢中

鄭文康

文康字時乂崑山平橋人宋華

原郡王居中之裔也彭時榜進士登第後
即抗志林泉足跡不履公府惟以文籍自
娛對客喜談忠孝節義事訓誨後學老而
不倦竟不仕卒有平橋藁

雜咏絕句五首

史傳荒唐怪事多乘槎那平得上天河不知織

女支機石遺落人間竟若何

讀罷司徒一紙書北軍門外報奎輿君王若問
平時釣不釣功名只釣魚

長營兵甲似雲屯號令曾聞過至尊他日淒涼
廷尉獄獄門無復似轅門

一入胡沙與漢辭節旄落盡鬢成絲生降得似
生還樂賜斷河梁五字詩

陽阿禍水洒塗林從此劉家火漸消莫恃齊紈
長在手西風容易到芭蕉

謁航凍涇錢節婦

畫船撾鼓渡江沙江上來尋節婦家莫怪到門

輕下拜要令田野辯龍蛇

陸鈇 鈇字昂儀邑人天順八年會試第

一 廷試第二授編修遷修撰選侍講讀

敷納詳懇禮度莊飭 孝宗在東宮每

屬目焉進太常少卿兼侍讀克經筵日講

官以疾乞歸卒鈇莊肅清介學究淵源文

章周縝雍裕詩調卓絕平生憂世愛國未

嘗一日忘懷有春雨堂藁春秋抄

題夏太常竹

夏卿画竹筆意新淇園夜雨捐浮塵踈濃遠近
各異態宛轉散逸如高人長枝飄蕭出烟霧嫩

葉新柯含曉露隱隱欹斜數十竿朝來似有微
風度玉節虚心耐歲寒長將孤影弄微湍不知
誰是推蓬者看取他時宿鳳鴛

登多景樓

昨日風帆一葉浮高山入望迥添愁
江流隘疑是身居最上頭

三官閣银杏

樓居長恨坐無山兩樹遮空盡日閒
風雨後晚烟孤靄為誰還

春雨日夕與亨父二騎歸自城西

參差宮樹殿東西樹裏青山落日低
回首旌旗

王季詩集卷三
猶未定晚來風起玉河堤

華蓋殿前待漏二首

躡盡仙階廿二層
傍欄斜過關東稜
熒熒華燭光遙映
細認窓前是鶴綾
七回供奉御床東
多病長慙獻納忠
為戀君恩未能去
強顏猶欲待春風

四時宮詞

滿地花陰翡翠涼
半簾紅霧水晶香
黃鸝似惜春無主
啼徧宮門不過墻
柳花臺榭汗銷香
荷葉池塘趁晚涼
十里翠萍魚點破
軟沙深處見鴛央

架上絺衣捲翠絲
手中團扇怯風吹
侍兒不識人心別
還把紅鹽洒竹枝

夢斷巫山獨擁衾
笙歌聲迫夜沉沉
無情不似銅龍漏
滴碎長門一寸心

咏史三首

陳子昂

感遇詩成海內傳
何須又出頌周篇
浪將奎壁呈房運
浣沫膏脂絕可憐

裴約

當時澤潞入朱梁
故主恩深誓不忘
五十騎來城已破
斷尸殘骨更歸唐

劉仁贍

堅守清淮志亦雄
降書應是羽即封
若言垂死回初節
却悔當年殺子崇

次李學士世賢咏碧草

馬蹄隨處踏芳茵
零落朝來露點新
已有碧流看淺淺
誰將白石照粼粼
梁園夜雨還生色
漢渚秋風欲動塵
一自江淹賦成後
幾迴南浦重傷神

次韵答倪侍讀

往事如星轉寂寥
彩雲銀漢夜迢迢
迢迢兩甄周許雄
猶在累月濠梁曠
莫招愛我獨貽青
玉案從

君剛輟紫宸朝燈光
又入春風市擬踏
瑤華過

六橋

次韵答陳玉汝給事移竹

平安已報故人書
問訊曾煩使者車
千畝胷中怜渭水
二橋門外憶龍舒
柳家子弟堪捐肉
王氏風流可寄居
莫漫殺青裁奏牘
且留踈影傍窓虛

聯句 李賓之謝鳴治鼎儀

對面羅郎不可招
鐸坐來詩思轉蕭條
東陽陰

雲覆野垂千里
錢斷雁迎風薄
九霄鐸楊柳陂

塘鷗不定東陽
海棠簾幙燕猶嬌
錢長安四月

春寒在鐸 韋曲經年酒債饒 東陽細雨近人渾

欲濕鐸 落花隨眼恨全飄 東陽情多不限深投

轄鈇 興盡何妨晚過橋鐸 山色依稀青見樹鈇

漏聲迢迢暗通潮鐸 斜川悼嘆吾何敢鈇 沂水

行過意未遥鐸 周雅不傳清廟瑟 東陽鄭聲爭

愛紫鸞簫鈇 紅塵日落仍回馬鐸 白雲詞成更

續貂東陽烏尾半訛城堞迥鈇 鸞羣欲散野亭

遼鐸 何時重剪西堂燭 東陽明日還聯南陌鑣

鈇

盟蘭

深房遲白日崇蘭多蕙風既雨滴玄露豐姿駐

遙叢鳴琴寫幽意會晤忘言中悠然兩自適日

莫長相終

張泰 泰字亨父本姚姓其曾祖瑞代晉

陵張氏戌太倉遂冒其姓實崑山人也方見

志 生而秀穎書過目輒成誦登天順甲申

進士入翰林為檢討聲名籍甚為人真率

恬淡自守陞候撰卒有滄洲集

長門春思

露重花垂泣烟深柳暗顰如何清禁裏有此斷

腸春

砧聲

誰家寒意早夜急擣衣聲少婦閨中力征夫馬
上情野風吹斷續関月伴凄清願與將軍聽開
邊暫息兵

題思蓴圖

漁却歷歷烟渚晴楓林遠近溪堂清扁舟野服
歸來者可是江東張步兵憶昨閭門謝知己西
游誤酌王侯醴鄉心豈待秋風高逸興聊因蓴
菜美南山蕨芽亦不稀三江水冷鱸魚肥生前
斗酒且適意身後虛名誰是非

慈恩寺

幡幢籠海氣樓閣映花汀游人不入寺梵響出

丹青

陸容 容字文量邑人成化二年進士弱
冠為縣學生即有志經濟累官兵部職方
武選郎中邊報旁午章奏日或三四上咸
中肯綮事于三邊人皆驚服其沮征安南
及止太監李良乞陞事尤偉 孝宗登
極疏論八事言多懇切柄臣劉吉將陰中
之本兵俞子俊為言于吏部得出為浙江
參政尤有聲竟以考察去位吉之搆也聞
者大駭有式齋稿菽園雜記

磧碛寺

移舟來看九峰青古寺幽沉試一經畫堵半顏
支碧殿殘碑欲斷倚朱櫺塔前老樹如僧臘海
上乘槎即使星極目湖天詩興遠片雲孤鶴過
華亭

留別浙中諸公

華髮蕭蕭病屢催不因人黜也須回廟堂未必
無公道方岳安能著菲才陸氏風流文史在吳
中山水画图開官雖不作音做詩還作莫惜瑤
筒遠寄來

吳寬 寬字元博長洲人弱冠蔚有文名
至成化八年會試 廷試皆第一除修撰

累官禮部尚書東閣大學士謚文定詳見

鄭曉吾學編

送崑山吳考功德徵赴留都

溽暑宜多雨南行又見君開尊臨積水掛席帶
踈雲片玉崑山出清風建業分鄉邦為別意投
贈愧無文

秦獻 獻字廷贄邑人成化十一年進士

才思清敏累官貴州按察司副使

題画

幽彈不終曲起命囊瑤琴非憚爪指勞所嗟無
賞音中心鬱孤悶曳竹循空林松風有古意石

泉清俗心愛此憺忘歸前山生夕陰

吳瑞 瑞字德徵崑山人成化十一年進士累官工部郎中病免家居杜門倡和有

西溪集

登馬鞍山

雲閣供僧茗春亭醉客觴水浮湖海白山帶古今蒼封壤兼吳楚衣冠接漢唐年華日衰謝登眺自心忙

虞臣 臣字元凱邑人成化十四年進士祖祥兵部侍郎臣初授兵部主事累遷員外郎郎中優游郎署幾二十年始擢四川

參議居任二年即乞致仕撫按官高其志節皆出郊餞送且各饋金贐悉辭不受平生清慎敦朴守法持正雖貴近不屈歸即以山水文籍自娛制行纖毫無玷臣文莊葉公聳也論者稱其無愧金玉之譽云

二月十二日定州道中

曉風吹月下荒山回首神京渺漠間疲馬獨愁當遠道短亭誰與唱陽關羞看春色皆塵土陟覺秋容入髣髴忽憶去年當此日五雲葱鬱侍朝還

貴妃吹簫圖

虞廷簫奏鳳皇儀漢室惟聞却輦姬不是明皇
忘色相畫圖端使後人知

題扇

淺水平沙夾岼明孤村盡處小舟橫怪來昨夜
添遐思蘆葉秋風帶雁聲

張安甫 安甫字汝勉邑人錢福榜進士
任祁州知州性恬退不樂仕進即引身歸
坐卧一小樓蕭然物外年八十餘終

咏老蕪諭子十四韻

老至若為辭甘心強自支齒零翻似亂頭禿半
如尼坐卧馮人起枯樵藉乳滋俗緣猶未了惡
疾苦相隨煖胃還妨肺清喉却惹脾經旬曾絕
粒鎮日只忘饑未減飛揚意難追少壯時湖山
空夢繞樓閣漫神馳書几埋塵久親交會面稀
蓋棺朝夕事問卜亦何為乞老情真切回天
定可期温卽心太忍李子行堪師報國仍終
養蕪全是阿誰

毛澄 澄字憲清邑人弘治癸丑廷試第

一除脩撰累官禮部尚書太子太保時
武宗南巡倡議諫止宸濠要請迎扈車駕
奏祝之 大禮議興與時宰張桂席方不
合力請致仕加太子太傅卒謚文簡澄

持身貞靜清謹每推轂善類於幽隱之中
而不使之知尤足嘉重所為詩文多不存
藁

送秦府長史同年劉廷馥

曲江同作看花行先賜金緋重老成相國古稱
齊晏子親籓今比漢東平神京靈罷春風轉驛
路雲開華嶽晴特贈短章聊爾耳似君何地不
聲名

送岷山張德輝司訓武康

學古誇多識求官喜得閑吟邊花錦地醉裏石
城山作器成梁棟談經對孔顏自今南國夢長

在五雲間

朱希周 希周字懋忠邑人弘治丙辰舉

進士第一除脩撰歷任翰林侍讀學士禮
部侍郎南京吏部尚書性恬靜貞一恥近
權執吏部弊察廢官竟即抱襆歸卧陽抱
山優游林泉年八十餘終嘗命其子曰吾
身後倘 朝廷 賜謚乞奏免文字以父
諱文故特謚恭靖

送州守周君承德赴廣西 俊父也

一命巍然作大夫試看儕輩幾人俱儒冠總脫
花生帶荒服遙臨竹剖符溪洞雲深通百粵尊

五言詩集卷三
鱸風起過三吳天涯有待陽春到肯惜馳驅萬里途

黃雲 雲字應龍邑人博學才氣豪邁能
詩歌為文尤峻偉是非褒貶必期合理有
裨于風教雖家貧屢空而秉筆不阿所好
也晚膺貢任瑞州司訓卒有丹岩集行于
世其楚江藁則未之見也

寄毛諭德憲清

契濶六經冬山齋官獨冷瀛洲久凝思日月頻
引領訪古黃金臺懷親白雲嶺文章西漢宗典
禮東魯秉天陞歷級高宮槐立陰永鳳飛霞翎

翩鶴峙雲翮整勘簡明藜輝賜茶拆龍餅經筵
獻納勤祕閣絲綸靜揆志輕三塲測量望千頃
憂時鬢未蒼信道心自炳賤迹隨升沉浮生嘆
萍梗遡風雖遙附驥不遂騁深諒念寒卑粗
述舒耿耿

嶼磯廟祀劉先主孫后

嫁得夫君蓋世雄志圖恢復別江東為吳為漢
皆亡國花少還應憶故宮

過王處士山居

尋幽隨處蹋秋晴底事溪山管送迎再過不須
樵引路隔松只聽讀書聲

寓瑞州七夕

七夕人間節嗟余客裏過去年廣陵郡今歲鳳
山阿露洗嬋娟月風生清淺河牛郎牽白犢織
女弄金梭今古成佳會流傳襲謬訛秋懷適多
感對酒強成歌

遊碧落山

山在瑞州

秋暑尚鬱蒸竹素不可藝百步碧落山重遊欣
雨霽取逕栗樹底登頓入陰翳長松自古色岩
幽訪叢桂邈哉李僊踪云是李八百故宅曾以八百計
仙風扇六合周柱史流裔戲割蓬萊股幻住人
間世草竹吐青熒殘碑見唐製篆刻磨霜風斷

卧已道邁遨遊

青天何處接仙袂丹成兩俱

仙明香乃女弟茲寓元陽居亦冀凡骨蛻弱女
託小名他年侍鸞篋世故困纏縛浪欲捐一切
行歲付無何晚節在砥礪脫屣巢烟雲馳想蒼
茫際

秋葵

青冥黃鵠舉白日黃鶴飛秋高颺翎羽一夕商
飈吹拾翠采珠女栽花著瓊枝雪疊羅織紋露
傾金屈卮檀心點深紫綠葉何歲蕤淡不逼艷
陽靜能避赫曦中色凌素節桃李安能欺

日夕

寂居山之阿木葉明返照陰厓凝晚色餘霞尚
鮮耀遠心望烟海孤興凌仙嶠歸牧驅牛馬溪
舩罷漁釣閉門群動息默以領衆妙

咏蠶

蜀名萬年先

黃帝西陵妃祭先成繡袞用贄天下治陽和變
淒冷後世征緄絲號寒窮冬景荀賦流坑焚倉
鼠終烹鼎蠶氣害馬政蠶室濫官品漢宮妬蛾
眉苦心當細省

夜夢觀王綸畫仕女紀以詩

今夕何夕夢怡怡五城十二樓參差踈星明河
動朱扉桂風泠然吹翠幃金梭織綃鳳啣絲周

昉授筆五采施孔雀屏開露蛾眉法應天潔薰
長肥如山如河姜與姬衣不濕雨雲霞飛華潤
玉色生光儀鐘鼓琴瑟列前旒萬花濯錦動碧
漪白日照曜遶四圍旁稱作者王理之恍惚若
見緣坡髭曲房簾聲貫珠垂一悟頓失無馮依
得非意匠巧所為以我曉畫勞我思楚峰吳雲
獨神馳瑣窓晴融翻被池金鴨沉水芳菲菲清
水何處芙蓉姿閨關睢鳩咏周詩

千葉紅桃盛開

春陽爛爛蒸晨霞掩映短墻脩竹斜壓枝千朵
又萬朵去年不及今年花紛紛蜂蝶狂不定懷

春有女當窓紗
豫愁春歸落紅雨
飛去又落誰
人家對花強飲足
清賞美艷頓失
吳宮娃花神
向我似欲語
偏與綠鬢生
妍華故人風流不可
見起舞落日生
吁嗟羅衾獨擁
亂春夢只尺如
隔天之涯

題畫

孤月當青天
還照青山上
良宵風不興
江水平
如掌若人臨
江淚遠思益
淒爽我亦漁樵
侶披圖慕真賞
騰踏紫鴻背
超然脫塵網

淮陰侯廟

功罪休將往事論
荒涼遺廟掩朱門
餒而不有
鄉人祭旅鬼
還依漂母魂

紫極宮吳采鸞寫韻軒

昔傳騎虎假風威
不遂羸簫跨鳳飛
軒靜已塵
青玉案峰
高空舉白雲
衣茫茫東海盤
秋鶴望
望西山澹夕暉
留得仙蹤何麗逸
紫皇宮闕秘
鰲扉

別廬山

滄海渺烟霧
青天飛日月
湖中望廬山
遙與廬山別
廬山之靈應
咲我萬頃波
濤浮一舸
五老蒼顏舊
相識乞取筠
籃玉芝朶
歸去玉山唘
王芝春風
記得昔遊時
桃花三峽
橋頭水瀑布
開



原件短缺

先寺裏詩追隨賴有千峰送雲壑風泉來入夢
盟可寒也亦可尋凌虛或借仙家鳳

顧恂 恂字惟誠邑人和厚謹飭痛母蚤
世不迨養觸事賦詩曰永思錄家居以忠
孝勤儉訓子孫卒年八十有八以子昂臣
貴累贈光祿大夫武英殿大學士

秋夜有懷

四壁蛩聲切中庭月影孤
夢回欹枕聽啼斷樹頭烏

見宜男花謝有感而賦

翠葉拂晴烟芳花落幽砌
想像北堂人潛然一

好施予買田必三酬其直力耕之隙輒杜
門掩齋游心篇章興至挈友登山任其所
適以俊仕贈通奉大夫左布政使有通奉
府君遺藁

送內弟王孝思之襄陽

正好相依習冶裘那堪杖劍楚江遊
魂銷故國人扶酒目送孤鴻月倚舟
芳少多情隨處綠白雲無盡半江流
相逢莫漫閑登覽皓首慈親動倚愁

牡丹

相逢多在艷陽時國色驚看絕代稀
偶向豪門

閑富貴肯隨凡卉共芳菲沉香亭北人何在興
慶池頭事已非對客品題情不厭詩成酒醉却
忘歸

復至南京有感

早時曾識秣陵城城上樓臺歲律更萬古山河
同覆載廿年親友半彫零花陰載酒閑中約竹
塢行歌醉裏聽碧樹黃鸝渾得意流光踈鬢漸
星星

終慕

欲向羨塙見所親音容已矣像猶存恩深誰識
心中事淚積空餘枕上痕綵服久巖悲歲月柘

園常對憶晨昏九泉寂莫無消息試就椿萱想
話言

哭宗和兄

自入南柯夢不醒傷離黯黯倍含情鵲鴿急難
心猶戀鴻雁高飛迹已冥丹桂五枝嗟獨隕紫
荆三樹憶重榮最憐姜被留遺愛月賞花遊恨
轉生



